

# **SAWA**



# **KEKKELBEK**

**5de Uitgawe – September 2019**

# *INHOUDSOPGawe*

- ❖ *KEDU KAMPNAWEEK FOTO*
- ❖ *VITDIE VOORSITTERSE PEN*
- ❖ *VANDIE ONDER-VOORSITTERSE PEN*
- ❖ *FOTOS*
- ❖ *NOTAS VAN DIE SEKRETARESSE*
- ❖ *DIE PENNINGMEESTERES SE VERSLAG OOR ONS SKATKIS*
- ❖ *DIE JACK OF ALL TRADES (TEGNIES) SE DOEN EN LATE*
- ❖ *STORIE VANDIE JEUGVERTEENWOORDIGER*
- ❖ *DIE REDAKTRISE SE KEKKELSTORIE*
- ❖ *VIR DIE SENIORS*
- ❖ *FOTOS*
- ❖ *ELKE DAG IS KOSBAAR*
- ❖ *VERJAARDAE, GOEIE NUUS, SLEGTIE NUUS*
- ❖ *SIEKTE*
- ❖ *FOTOS*
- ❖ *RESEP: MIELIEBOLLE VIR BRAAIVLEIS*
- ❖ *FOTOS*
- ❖ *SAAMTREKKE VIR 2020*

# Kamprawee by Kedu





## UIT DIE VOORSITTER SE PEN

### Francois Pretorius

Hallo al ons SAWA lede,

Baie dankie aan almal wat die Kedu kamp bygewoon het en ook aan almal wat bygedra het om die kamp suksesvol te maak. Eugene, Beverley en Garath het weereens baie goed gedoen daarmee.

Daar was egter 'n problem met die oord se krag in die ry waar ons gestaan het maar ek dink nie ons kan dit teen hulle hou nie. Die gruispad uit die oord uit was ook nie hierdie keer n probleem nie omdat die oortollige gruis verwyder is.

Ons het 2 groot funksies die jaar wat ons moet aanbied, naamlik die Gebiedskamp en die 2020 AJV/Vaalrivier se 40ste verjaardag. Daarvoor sal ons nog moet beplan en dalk ook begrotings uitwerk.

Ek en Leon het Streek Vaalrivier verteenwoordig by die kongres die naweek van 6 September. Julle sal fotos van die geleentheid in die Kekkelbek sien.

SAWA-groete,

**FRANCOIS**





## UIT DIE ONDER- VOORSITTER SE PEN

### **Leon Delpot**

Dagsê SAWA-vriende,

So het die 30ste Augustus ons stilweg bekruipt en 12 waens het pad gevat deur padverleggings en “stop and go’s” getrotseer na Kedo oord. Na moeisame wag-en-ry het almal darem veilig daar aangekom en woonwaens staangemaak.

Bev, Eugene en Garath het hulle “master chef skills” gedemonstreer en vir ons heerlike “stir-fry” voorberei. Na ete het almal lekker saam gekuier voor Francois se tent en sonder kampvuur nogal.

Saterdagoggend het redelik rustig verloop en ons het uitgevind daar is nogal baie elektriese ingenieurs in SAWA Vaalvier wat die ergerlike kragprobleem probeer oplos het. Verskeie woonwaens se krag het tot onder 150v gedaal.

Saterdagmiddag is daar bietjie speletjies gespeel en toe kom die Curry-beker rugby. Kobus het n rugbyraai gereël en almal daarby betrek.

Saterdagaand is daar ‘n gesamentlike braai gehou en tot laatnag is daar langs die kampvuur agter windskerms gekuier.

Sondagoggend na kerk is die naweek se lootjie getrek. Dit was ‘n “dash cam” wat Francois toe gewen het. Ek het aansoek by Zondo-kommisie gedoen om te kyk of daar nie dalk SAWA kaping plaasgevind het met die lootjetrekking nie want Francois wou dit baie graag wen. Die rugbyraai wenner is ook aangekondig wat Kobus was (wat ook die rugbyraai ge-inisieer het). Hy het die wengeld egter net so vir die SAWA-kas geskenk. Baie dankie Kobus, jou saak is nie na die Zondo-kommisie verwys nie.

Groete tot ons volgende kamp,

**LEON**



**Ons drie kampkommandante**



**Kobus skenk sy rugbyraai “winnings” terug aan die geldkas.**

**Baie dankie Kobus**



***NOTAS VAN DIE  
SEKRETARESSE***

**Joey Delpot**

Hallo Sawanante,

Statistieke vir die naweek te Kedu :

Ons was 12 woonwaens, almal van Streek Vaalrivier. Daar was geen besoekers nie.

- Die volgende saamtrek is die Nasionale saamtrek te Malonjeni die naweek van 11-13 Oktober 2019.
- Die geheime kamp vind plaas die naweek van 25-27 Oktober 2019.
- Die Kersboom kamp is by die Beach Club die naweek van 29 November tot 01 Desember 2019.

Groete tot volgende keer,

**JOEY**



## DIE PENNINGMEESTERES SE VERSLAG OOR ONS



**Elize van der Schyff**

SAWA-vriende,

Ons geldsake lyk darem beter as sommige lande s'n, maar ons werk daaraan.

Ons het met die DBV geskakel. Hulle het hondekos en seepoeier nodig om die kombersies ens. skoon te hou. Ons sal binnekort begin om van die benodigdhede te verskaf sover dit in ons vermoë is.

Tot volgende keer, SAWA-groete

**ELIZE VAN DER SCHYFF**

**AS JY GELD BY  
'N BANK LEEN  
IS DIT JOU  
EIE SKULD...**



**DIE JACK OF ALL TRADES  
(TEGNIES) SE DOEN EN LATE**

**Garath Ferreira**

Goeiedag Sawanante,

Ons het hierdie naweek geen toekennings gehad nie.

Ons werk aan 'n ontwerp vir ons **40ste** verjaardagplaatjie. Lede is welkom om voorstelle vir die ontwerp in te dien.

Groete tot volgende keer,

# GARATH



## STORIE VAN DIE JEUGVERTEENWOORDIGER

Jacques van Zyl

SAWA-maats, dis mos nou heerlike lente en ons gaan rympies maak:



Dis heerlike  die  is verby



Al die  is vrolik, al die  sing,



Al die  kriek daarbuite, elke  spring.

Al die  kom om fees te vier. Hier gallop 'n



Daarso dans 'n .

***GENIET DIE LENTE, EEN VAN DIE DAE SWEM ONS WEER.***

Lekker bly almal,

**JACQUES**



## **DIE REDAKTRISE SE KEKKEL HOEKIE**

**Louise van Zyl**

Heil die leser,

Nou ja, almal het nou die eerste Kekkelbek van ons nuwe reeks gekry. Ek hoop julle het dit deurgelees en geniet. Hier is nou die tweede boekie vir julle om te geniet.

Ek het nog nie al die lede-inligting in plek nie, soos bv. huweliksherdenkings en verjaardae, maar wees geduldig, ek werk daaraan. As ek dus op hierdie stadium iemand uitlaat, verskoon asseblief. Julle kan maar vir my inligting stuur op my e-pos, dit sal baie help.

**Nou ja, tot volgende keer, lekker lees.**



## VIR DIE SENIORS



Die ou oom en tante sit op die stoep en drink tee. Die oom se selffoon maak "bleep, bleep". Hy haal die foon uit sy sak om te kyk wie hom SMS. Die tante vra "Wie is dit?" Die oom antwoord "Betty Louw. Ek ken nie 'n Betty Louw nie" en sit sy foon terug in sy sak.

Na 'n paar minute maak die oom se foon weer "bleep-bleep" en hy sê "Ai, die Betty Louw is lastig". Die tante sê "Gee jou foon hier laat ek sien." Sy kyk na die oom se foon en sê "Jou onnosele ou man, dis nie Betty Louw nie, dit sê BATTERY LOW!"





Ons twee groot kokkedore by die Kongres



Die mannetjie kan boul !! Baie geluk Wihan met jou prestasie

# **ELKE DAG IS KOSBAAR**


Elke dag wat jy kwaad en gekrenk deurbring, is 'n dag wat vermors is. Die lewe is te kort en te waardevol om enige deel daarvan te vermors. Hoe ouer 'n mens raak, hoe beter besef jy dit. Maar ongelukkig leer sommige mense dit nooit. Die samelewning waarin ons vandag leef is gevul met woedende mense wat maklik aanstoot neem en wat die meeste van die tyd gestres en moeg is.

Maar Jesus leer ons 'n beter manier om te lewe. Maak die meeste van vandag –en elke dag, want die lewe is 'n kosbare geskenk van God. Elke dag is gevul met wonderlike beloftes en moontlikhede. Geniet hierdie dag! Moenie dit vermors deur kwaad of gekrenk te wees nie.

Ons kan kies om volgens God se Woord te leef eerder as om op die wêreld se manier te leef of oor te gee aan gedagtes en emosies van die vlees. 'n Wyse mens weier om met gekwetste gevoelens of kwetsing in sy hart te leef. Die lewe is te kort om een dag te vermors deur kwaad, verbitterd of gegriefd te wees. Die goeie nuus van die Evangelie van Jesus Christus is dat ons sondes vergewe is en ons het die vermoë ontang om die wat teen ons sondig, te vergewe. God verwag dat ons eniglets wat Hy ons gegee het, soos vergifnis en genade, ook aan ander sal betoon. As dit na ons toe kom, moet dit deur ons vloei – en dit moet ons doelwit wees.

Wanneer ons gekrenk is moet ons onthou dat God ons met oorgawe en ten volle vergewe het sodat ons ook ander met oorgawe en ten volle kan vergewe.

Is daar 'n gekrenktheid waaraan jy vashou? Indien wel, moet jy God vertrou – gee dit oor aan Hom – en vergewe dit. Moenie nog 'n minuut wat jy die lewe kan geniet, vermors nie.



# VERJAARDAE

Aan die volgende persone wat verjaar		
September	07	Michelle Terry
	09	Eugene Botha
	15	Corrie Pretorius
	23	Johan van der Schyff
	28	Elize v der Schyff
	29	Barbara Kamffer
	29	Francois Pretorius
	15	Lana Snel Vorster
Oktober	26	Kobus Bezuidenhout
	27	Monique Venter

## Goeie nuus:

- Joey en Anton Delpot is op pad Duitsland toe vir 'n 6 weke vakansie. Julle moet elke dag van jul vakansie geniet.
- Joey en Anton se dogter, Noelani, het haar eksamens vir Ortopediese Chirurg geslaag. Baie geluk aan julle.
- Geluk aan Wihan van Zyl wat so goed presteer met krieket.

## Slegte nuus:

Daar was 'n paar diewe besig met verkeerde dinge:

- Anton Delpot se skape en varke is gesteel.

- Willie van Zyl se woonwa is gestroop van al sy elektriese toebehore en ander kamptoerusting.

## **SIEKTE**

- Vinkie Swanepoel kry tans behandeling. Baie sterkte aan julle.
- Ons wil graag vir enige van ons lede wat 'n geliefde verloor het of wat siek is, so ook enige van ons lede wat self ongesteld is, enige tipe van behandeling ontvang of besig is om te herstel, sterkte en vinnige beterskap toewens.


*....maar die wat op die Here vertrou, kry nuwe krag. Hulle vlieg met arendsvelerke, hulle hardloop en word nie moeg nie, hulle loop en raak nie afgemag nie.*

*- Jesaja 40:31*

*Arende is nie bang vir storms nie en vlug nie daarvoor nie – hulle laat die sterk lugstrome hulle tot bo die storm lig. Hulle verspil ook nie tyd op gevegte met ander voëls nie. Wanneer hulle aangeval word, vlieg hulle net hoër en sweef moeiteloos bo hul vyande.*

*Wanneer jy moeg raak vir die stryd van die 'aardse lewe', is dit tyd om te leer vlieg.*

*Laat God jou leer hoe om bo jou probleme te vlieg. Wees vasberade om Hom en die krag van sy opstanding te ken. Jy sal agterkom dat jy enigiets kan trotseer sonder om uitgeput te raak wanneer jy digby God se hart sweef.*



# *FOTO VAN DIE ONTHAAL TYDENS DIE KONGRES OP 6 SEPTEMBER*



Die nuwe Nasionale bestuur vir 2019/2020 is:

President: Jurie Dreyer

Voorsitter: Andre Knoetze

Onder-voorsitter: Niel Goslett

Sekretaris: Willie Bronkhorst

Penningmeester: Chris Joubert

Skaklbeampte: Rudi Kleynhans



# **MIELIEPAP BOLLE VIR BRAAIVLEIS**



1. Maak lekker stywe mieliepap en laat effens afkoel.
2. Rol bolle so groot soos frikkadelle en pak dit in 'n oondskottel.
3. Braai ui, tamatie, sampioen en bacon saam.
4. Maak lekker groot gat in elke bal met jou duim en skep die mengsel daar in.
5. Gooi een houertjie room bo-oor (maak seker die room gaan tussen die balle in) en sommer baie gerasperde kaas.
6. Bak in 'n 180 °C oond vir ± 1 uur lank.
7. Bedien warm.

## **Variasie**

Gooi suikermielies in die mieliepap.



Vrydagaand het ons lekker by Francois en Dot gekuier.



Francois wen die “dash cam” looitjie



**So het Saterdagaand begin**



**So word daar gebraai**

# 2020 JAARPROGRAM:

## STREEK VAALRIVIER SAAMTREKKIE

OORD	DORP	TIPE SAAMTREK	KAMPKOM- MANDANTE	BYWONING 100%
<b>24 – 26 JANUARIE</b>				
Umfula	Parys	Streek	Johan & Elize	100%
<b>21 – 23 FEBRUARIE</b>				
Sionsberg	Heidelberg	Streek	Jacques & Sonja	100%
<b>20-22 MAART</b>				
Bloekompoort	Vereeniging	Streek	Richard & Christa	100%
<b>10-13 APRIL</b>				
		Presidente		Nasionaal
<b>01-04 MEI</b>				
Tava Lingwe	Parys	Gebied	Streek Vaalrivier	100%
<b>29-31 MEI</b>				
Bush Inn	Springs	Streek	Henry & Francois	
<b>18-25 JUNIE</b>				
Weesgerus	Modimolle	Nasionaal		
<b>03-05 JULIE</b>				
Eastco Magalies	Magaliesburg	Streek Ysbeerkamp	Anton & Joey	100%
<b>09-10 AUGUSTUS</b>				
Malonjeni	Meyerton	AJV - Streek	Bestuur	
<b>18-20 SEPTEMBER</b>				
Weesgerus	Modimolle	Kongres		
<b>24-27 SEPTEMBER</b>				
Aasvoëlkrans	Rustenburg	Streek	Kobus & Eileen	
<b>30 OKTOBER – 01 NOVEMBER</b>				
Geheime kamp			Marcel & Carine	
<b>27-29 NOVEMBER</b>				
Casa Cara	Parys	Gebied Kerskamp	Bestuur	

# Golf-Zilla!

**COME FEED  
THE BEAST!**

**6 Meter tall inflatable  
Dinosour "Golf target."**

**Great fun for the  
whole family !!!**

*the only one of  
its kind in SA!*

**Available for hire  
Contact: 082 782 5736**

